

清朝治理新疆方略彙編

主編
副主編

張羽新
張雙志

趙曙青

整理編纂

張羽新

張雙志

第十四冊

學苑出版社

欽定平定回疆勦擒逆裔方略卷之五十五

道光八年夏五月癸亥

遣王大臣屆期迎勞

上諭內閣曰揚威將軍大學士公長齡凱旋入覲昨據奏於六月初旬可以抵京屆期著派鄭親王烏爾恭阿松筠格布舍哈朗阿奕經前往良鄉迎勞所有應行典禮該衙門照例妥爲豫備

平定回疆勦擒逆裔方略卷六十五

命甄敘山西辦解駝隻員弁

山西巡撫盧坤奏言查山西省前於六年十月

內欽奉

諭旨購買駝隻解赴肅州爲口外運送軍糧之用經

前撫_臣福綿派委吉州營都司保芝琳助馬路

守備尹希成撫標左營守備孫元雲騎尉世職

孫萬邦等解肅時_臣駐劄肅州督辦軍需查驗

解到駝隻多屬臃壯據保芝琳等呈請出口效力維時尙未奉有不准投效

諭旨且適在轉運軍餉緊急乏人差遣之時_臣會同署督_臣鄂山派委該員等分領軍餉轉解大營交納隨經揚威將軍長齡留營差遣嗣准該將軍以保芝琳等四員差遣數月奮勉出力軍營現無應升之缺將該員等飭回原省俟有本省

平定回疆勦擒逆裔方略卷六十五

應升缺出卽以該員等儘先升用前撫_臣福綿

因晉省各營守備都司以上並無題缺無可請

升咨明兵部請將該員等分別歸部升補接准

部文議駁_臣查保芝琳等四員委解駝隻赴肅

安速無誤轉餉軍營留營差遣奮勉出力若以

本省無題缺置之不議未免向隅懇

恩分別鼓勵再晉省前奉

諭旨採買駝隻經前撫臣飭屬購買五千七百隻又

採買鑼鍋二千口均經解赴肅州茲查前此購

辦時正值軍需緊急當經遴委坐補代州直隸

州林樹雲遼州直隸州呂士淳總司等辦該員

等督率各屬不及五旬購備齊全分起解送出

省妥速無誤至銷算事宜亦係該二員一手承

辦覈實題銷實屬奮勉出力懇

恩分別量予鼓勵奏入

平定回疆勦擒方略卷六十五

二

上諭內閣曰山西吉州營都司保芝琳助馬路守備

尹希成撫標左營守備孫元雲騎尉孫萬邦前因

委解駝隻赴肅州交納當經盧坤以差遣乏人會

同鄂山派委該員分領軍餉轉解大營留營差遣

雖與經派出征者不同念其委解駝隻轉運軍餉

均尚妥速無誤自應量予恩施都司保芝琳現已

推升福建桐山營遊擊著准其遇有福建省應題

缺出酌量升用守備尹希成孫元著准其歸部遇

缺推升雲騎尉孫萬邦著准其俟有部推守備缺

出卽行選補坐補代州直隸州知州林樹雲遼州

直隸州知州呂士淳前經該撫派委督辦妥速無

誤現將駝隻鑼鍋銷算一手辦竣著照所請林樹

雲免其坐補原缺遇缺酌量補用呂士淳著交部

照例議敘

平定回疆勦擒方略卷六十五

四

勅查推依博特部落

上命軍機大臣傳諭惠顯廣慶曰昨據那彥成奏葉

爾羌上年派六品藍翎回子庫爾班出卡搜捕餘

匪在前藏推依博特地方訪有浩罕回子逃竄到

彼已被該頭目敦諾普納莫札爾截拿當經指交

阿布都薩塔爾等二十四名令庫爾班等管解並

添派小頭目薩莫等協解進卡推依博特地名是
否係藏內所屬在前藏何方距藏若干程該頭目
敦諾普納莫札爾及小頭目薩莫等是否皆係番
子是何等頭目係何官所管著惠顯等詳細查明
據實覆奏尋據奏詳查西藏所屬境內並無推依

博特地名惟前藏西北堆噶爾本邊外拉達克

部落路通葉爾羌本年三月據拉達克部長專

差頭人阿密克來藏稟稱上年七月內有逆回

一百餘人逃至彼處均經該部長拏獲隨有葉

爾羌差來六品藍翎官員討取此項逆回該部

長未敢交給特差該頭人來藏稟報是推依博

特地方卽係拉達克部落敦諾普納莫札爾卽

係拉達克部長薩莫卽係拉達克小頭目該部

落在前藏西北距前藏六十餘站距葉爾羌約

平定回疆勦擒逆裔方略卷六十五

五

三十站該處人民崇奉黃教文字語言均與西

番無異惟衣帽飲食近似回子該處向與西藏

通好相隔一二年差人來藏呈送達賴喇嘛布

施遇有與西藏交涉事件俱稟明駐藏大臣請

示辦理卽以西藏沿邊各部落而論如布魯克

巴哲孟雄之類雖非唐古特所屬番子實歸駐

藏大臣管轄惟該頭人阿密克稟稱拏獲逆回

一百餘名今那彥成奏稱庫爾班等管解進卡

阿布都薩塔爾等二十四名是否該部落尙有

匿存餘匪抑係該頭人稟報不實臣等現又專

差馳往飭查另行據實奏

聞奏入

上命軍機大臣傳諭惠顯廣慶曰拉達克部落在藏

屬堆噶爾本邊外距葉爾羌較近該頭目敦諾普

平定回疆勦擒逆裔方略卷六十五

六

納莫札爾因逆回竄入其境卽行拏獲遣人隨同
差員將該犯等解交實屬恭順可嘉該部長敦諾
普納莫札爾著加恩賞給五品頂帶花翎並賞大
綬二正小頭目薩莫著加恩賞給金頂藍翎並賞
官綢二疋所需綢緞均由該處賞需項下頒給並
著惠顯等傳旨嘉獎俾知感奮至所稟拏獲逆回
一百餘名僅解交二十四名是否前稟不實抑該

平定回疆勦擒逆裔方略卷六十五

七

部落尙有匿存餘匪惠顯等已派員確查俟奉覆
到時卽行據實具奏尋又據奏訊明薩領景等十
四名俱跟從逆賊張格爾佔據四城擾亂地方
殘害生靈擬以不分首從皆斬如律並請將派
往拏解逆回之噶布倫敦珠卜多爾濟等加以
鼓勵奏入

上諭內閣曰逆回薩領景等十四犯在喀什噶爾等

處均經從賊打仗嗣因張格爾勢窮竄匿該犯等
由葉爾羌逃至拉達克地方被獲據惠顯等審明
該犯等跟從張格爾佔據四城擾亂地方實係罪
大惡極薩領景巴谷則阿蘇莫底拉阿布都熱密
密日熱典立呷思乍拉古勒麻墨路爾麻墨厦柯
甲庫魯伯特阿哈約勒阿布都格底阿底乃莫拉
托克塔等十四名俱著卽行正法又另片奏派員

平定回疆勦擒逆裔方略卷六十五

八

拏解逆回頗爲出力懇請鼓勵加恩著照所請噶
布倫敦珠卜多爾濟著賞加二品頂帶五品番目
朗噶布著賞加四品頂帶遇缺卽補

六月己巳朔

兵部保奏照料兵差及承辦獻俘受俘各司員
請量加鼓勵得

旨兵部承辦兵差之郎中富爾崇阿那丹珠宗室華

貴員外郎德興候補員外郎鄧錦湘主事世興候
補主事崇慧文柱額外主事書紳承辦受俘之郎
中恩齡趙珥彤候補郎中徐祖培員外郎恒昌宗
室法式尙阿主事慶源俱著交部議敘

庚午

頒賞迎勞饌筵

上諭內閣曰揚威將軍大學士公長齡於初五日行

平定回疆勦擒逆裔方略卷六十五

九

抵良鄉已派王大臣迎勞賜茶酒並著內務府派

膳房章京二員前往頒賞饌筵以昭優眷

癸酉

允減免伊犁出征兵丁民遣應賠駝馬

伊犁將軍德英阿奏贊大臣容安奏言此次征

勦逆回挑派伊犁各營兵丁二千名調檢官廠

馬四千三百三十四匹內給騎駝馬四千匹下

餘馬三百三十四匹酌給民遣壯勇作為駝馬

現在首逆生擒大功告成各營兵丁原領官廠

馬匹因道路難行水草乏缺且歷時既久致倒

斃過多若按照定例騎馬以五分准銷五分著

賠駝馬駝隻均以八分准銷二分著賠飭令分

別照數銷賠兵力未免拮据而民遣等均仰蒙

恩赦此時若紛紛行知各原省著賠扣價亦恐有名

平定回疆勦擒逆裔方略卷六十五

十

無實查東省進征官兵騎駝馬倒斃過多前經

長齡奏明請免追賠並聲明伊犁官兵由冰嶺

行走倍艱跋涉現俱留營俟凱撤時查明辦理

今體察情形屬實不敢照東省官兵一體奏請

寬免仰懇

恩准該官兵等於定例騎馬五分准銷外再銷三分

即照駝馬八分准銷例普律著賠二分其民遣

壯勇原領馱馬三百三十四匹均已倒斃無存
無可著追應請全行豁免奏入

上諭內閣曰伊犁出征兵丁應賠騎馱馬匹據該將軍等查明各營兵丁原領馬匹由冰嶺行走倍形疲乏且歷時既久倒斃愈多若照例分別銷賠兵力未免拮据著照所請伊犁兵丁原領馬四千匹准其於定例騎馬五分准銷外再銷三分照馱馬八分准銷例普律著賠二分其民遣等原領馱馬三百三十四匹均已倒斃應行追賠之處著全行豁免以示體恤

接替

命裁撤伊犁塔爾巴哈臺卡倫侍衛改派駐防官員
伊犁將軍德英阿奏贊大臣咨安塔爾巴哈臺
參贊大臣那彥寶奏言伊犁塔爾巴哈臺兩處

地方所設各卡倫多有毗連哈薩克布魯特鄂羅斯諸夷交界守禦巡防稽查例禁出境貨物在在均關緊要在侍衛等初至口外本地生疎情形不能熟悉遇有驅逐哈薩克追蹤等事往往添派本處駐防熟悉人員前往辦理及至該侍衛等情形稍熟已屆瓜代之期是該員等往返程途驛站夫馬供支徒滋糜擾而於防守均無實益可否照南路裁撤章程畫一辦理將現在伊犁卡倫侍衛十一員塔爾巴哈臺卡倫侍衛八員全行裁撤俱改由本處駐防官內揀選小心幹練通曉夷情者派令接替巡防守禦不獨邊防得力而經費亦可撙節再向來哈薩克布魯特最為尊重花翎人員_臣等擬將嗣後派出坐卡章京內無花翎者於坐卡之日起准其

暫戴花翎差竣仍不准戴用奏入

上諭內閣曰伊犁等處卡倫由京城侍衛派往防守未能熟悉口外情形難期得力該將軍等請照南路章程畫一辦理所有伊犁卡倫侍衛十一員塔爾巴哈臺卡倫侍衛八員著照所請全行裁撤俱改用本處駐防官員該將軍等務當秉公揀選小心幹練通曉夷情者派令接替飭令該員等實力巡防並隨時認真查察如有疎懈偷漏及混行勒索情弊卽行嚴叅懲辦嗣後派出坐卡章京無花翎者准其於坐卡之日起暫戴花翎差竣仍不准戴用

乙亥

揚威將軍大學士公長齡入覲

硃諭曰本日長齡親詣御園恭繳揚威將軍印信朕

御勤政殿行抱見禮見其精神矍鑠重定邊疆生

擒巨惡朕喜悅嘉獎之心實難備述前已加恩晉

錫公爵並紅寶石帽頂兩團龍補服雙眼花翎紫

綬嗣因受俘禮成復賞換三眼花翎晉加太保銜

茲當凱旋入覲告厥成功允宜再沛恩施用酬偉

績長齡著賜御用珊瑚朝珠一盤四團龍補褂一

件並准卽行穿用四團龍補服用示朕眷念忠勤

懋賞褒功有加無已之至意特諭

上又諭內閣曰揚威將軍大學士公長齡前此奉命

肅征聲威遠播四城迅復巨憝生擒從茲永靖邊

陲厥功甚鉅朕嘉績酬庸錫封懋賞而外並授爲

御前大臣以昭榮寵現值振旅還朝必思勉奉厥

職惟念長齡年逾七旬精神雖健若令照常趨直

羽衛奔馳轉非所以示優異長齡著兼御前大臣

不必進內侍直並無庸辦理該管事件用示朕體恤耆臣至意

喀什噶爾興建情形

那彥成楊芳武隆阿奏言喀什噶爾滿城前經長齡勘定喀喇哈依地方奏明另建茲臣等會同前往周歷履勘該處地方高敞形勢扼要新建城垣周圍五里有奇版築業已完竣其衙署

平定回疆方略卷六十五

五

倉庫兵房約市月間即可一律完工查長齡原奏擬於新城東南另築土堡駐劄伊犁馬隊一千名茲臣等酌量情形留駐原額換防伊犁烏魯木齊馬隊六百餘名裁撤馬隊一千名新建兵房足敷居住所有另築土堡工程即應停止惟去回城二十餘里七里河爲適中之地似應設兵形勢方爲聯絡臣等公同商議擬在河口

築堡設兵六百名並於舊城略加修葺留兵二百名似此分布可期周密再臣那彥成歷奉

諭旨順道查勘葉爾羌英吉沙爾兩處新建城垣除葉爾羌已查明應行興建業已恭摺覆奏臣道經英吉沙爾查得舊滿城亦在回城之內地勢湫隘兵回雜處且衙署兵房均經焚燬與其修復舊城不如擇地另建庶期一勞永逸查新勘城基距回城不及一里一切俱照舊制辦理官兵另居一城實屬兩便應懇

平定回疆方略卷六十五

六

聖恩俯准移建所需工費由臣武隆阿在於抄獲叛產項下通融籌撥毋庸動支正項至新建喀什噶爾英吉沙爾葉爾羌三城皆仰仗皇上天威得以重新輪奐將來落成以後局面煥然應請

頒示嘉名以誌

大武之揚化行萬里永靖邊圉至和闐除衙署兵房
亦於叛產項下動用修理外其城垣略爲補砌
照常駐劄無庸另建奏入

上諭內閣曰喀什噶爾滿城前經長齡奏准在喀喇
哈依地方改建茲據那彥成等奏新建城垣工程
業已全竣其去該處回城二十餘里之七里河爲
適中之地應分設兵丁形勢方爲聯絡著照所請
准其於河口築堡設兵六百名並將舊城修葺留
兵二百名以資防守至英吉沙爾舊滿城向在回
城之內地勢湫隘兵回雜處旣多未便且衙署兵
房俱經焚燬與其修復舊城不如擇地另建現在
新勘城基距回城不及一里著准其移建俾官兵
另居一城一切俱照舊制辦理所需工費卽在抄

獲叛產內籌撥無庸動支正項

加恩喀什噶爾難蔭回子以世職承襲罔替

那彥成楊芳武隆阿奏言臣那彥成於行抵喀

什噶爾後辦理避難殉節回子卹典查有喀什

噶爾被害五品伯克巴海五品阿奇木伯克伊

斯瑪依爾六品伯克依布拉依木六品伯克呢

雅斯六品伯克克莫洛素皮七品伯克玉素普等

六員均歿於王事前經長齡查明該伯克六員

之子阿布都熱依特邁買底雅底噶爾邁瑪斯

底克吐爾底依斯瑪依爾等六人奏奉

恩旨賞給五品翎頂惟查定例陣亡副將以下把總

經制外委以上俱給與雲騎尉世職襲次完時

給與恩騎尉世襲罔替今給與五品翎頂並未

聲明世職不過及身而止歷年久遠其忠盡無

復有人知者似與

聖朝酬忠之例尙未一律可否將

恩賞五品翎頂作爲世職承襲罔替其向無品級之

小回子俟查明另議嗣後遇有伯克缺出先儘

世職擇其才具明白辦事可靠者遴選補用其

應交種地糧賦及阿勒板等項錢文概行豁免

並令蓄留髮辮永爲

平定回疆勦擒逆裔方略卷六十五

十九

盛世忠良以示區別該伯克等僻在回夷深知大義

自當仰邀我

皇上破格隆施方足以慰忠魂而昭激勵_臣等現將

奏定章程繕寫告示頒發西四城遍貼曉諭並

咨行各大臣詳查被難殉節各伯克及小回子

分別辦理期於無濫無遺務歸覈實其各城從

逆伯克現已咨令確查據實懲辦毋使一名漏

網俾知盡忠則殊榮繼世助逆則顯戮難逃藉
以收輯回心挽回風氣奏入

上諭內閣曰喀什噶爾被害伯克之子阿布都熱依

特邁買底雅底噶爾邁瑪斯底克吐爾底依斯瑪

依爾等六人前經降旨賞給五品翎頂著加恩准

其作爲世職承襲罔替其向無品級之小回子著

查明另議至嗣後遇有伯克缺出仍應擇其才具

平定回疆勦擒逆裔方略卷六十五

三

明白辦事可靠者遴選補用不得概以世職充補

其應交種地糧賦及阿勒板等項錢文著概行豁免

免那彥成等即將現定章程繕寫告示頒發西四

城遍貼曉諭並著各大臣詳查被難殉節各伯克

及小回子分別辦理其各城從逆伯克亦著咨令

確查據實懲辦以昭激勵

_臣等謹案撫綏之術莫先於革薄從忠激勵

之方莫先於去逆效順方逆首煽亂騷動四

城

天戈所指脅從者豈盡甘心抗拒哉其中固有性成

忠義舍命不渝曉然於君臣之分者蓋我

國家底定西陲惠澤覃敷垂六七十載免差減賦

休養涵濡不以外夷而稍存歧視彼回子者

世蒙樂利決隨淪肌由感激而生愛戴由愛

戴而出蓋忱是以巴海等六人雖生長窮陬

俱能死殺效節爲

國捐軀漸摩激發有由然矣逮那彥成等入奏我

皇上立沛恩施優加卹賚殊榮所被固足以慰忠魂

而爲致命遂志者勸猶以祿止及身不若賞

延於世

特命阿布都熱依特等各以世職承襲罔替如此則

忠義子孫固將世世永資捍衛凡有血氣者

孰不延頸舉踵嚮風慕義共矢其趨事赴公

之誠者乎

勅諭那彥成等控馭外夷機宜

那彥成楊芳武隆阿蘇清阿奏言伏查長齡檄

諭浩罕布噶爾拏送逆裔家屬尙未據稟覆惟

浩罕於未奉檄諭之先遣人投書據守卡官兵

呈報_臣等先不令傳見遣伊薩克詢其來意並

索出來書譯看據稱張格爾就擒實係天意差

人前來道喜其被擄之兵丁商民亦可送出惟

回子經上從無送和卓之例來書語言雖無悖

謬惟全函均係墨字該伯克之名用泥金繕寫

殊有妄自尊大之意_臣等當令伊薩克傳諭該

夷使以此大張格爾滋事其實

天朝祇動兵三萬已經所向無敵旬日之間四城全復且卡內回民深感

大皇帝數十年休養之恩大兵一到處處殺賊歸降而出力打仗及捐軀效命爲數更多即使張格爾尙在亦何足爲患此時生擒該逆獻俘

闕下其家屬又何闕輕重卽令張逆有子將來藉可哄動愚回敢於滋事不過如此次之張格爾而已

天朝亦不過再費三萬兵力一舉勦除

天朝威武從前所滅各國爾等皆知此次生擒張逆又何足道喜爾等部落彈丸之地在中國僅二

州一縣之大

大皇帝如果興師問罪滅此朝食又費兵力幾何因不值與無能外夷計較是以未申

天討此後不獻其家屬亦無足重輕但不准爾部落進卡貿易恐附近各部落知

天朝斷絕爾等貿易從此小視於爾甚於爾愛曼無益爾卽回去一一遵諭傳知臣等於該夷使到

卡之時先已派撥懂事弁兵嚴密訪查不准與流寓安集延及本處回子交接亦不准其貿易卽日撥兵八十名酌給口糧押送卡外並未贖

賞蓋緣上年各外夷遣使騙賞不一而足浩罕屢遣人來詭詞搪塞均邀溫諭重賞以致夜郎自大茲復逞其詭詐伎倆前來嘗試查浩罕每借貿易獲利且藉與

天朝通市恐嚇附近外夷今不予傳見亦無筵宴賞賜破其謗詐或可稍知畏懼俟再有稟到據實具奏臣那彥成抵喀什噶爾之日並據卡外布

魯特比占把拉特等前來謁見臣卽宣示

恩威飭令傳諭各愛曼如有從前從逆之犯竄匿各

處遊牧地方立即縛獻果能竭忠效順奏明

大皇帝必有破格

恩典伊等伏地叩頭情詞實爲恭順臣等伏思逆裔

家屬並從逆逸犯竄匿外夷豈容久稽顯戮惟

已殲厥渠魁誠如

聖訓無足重輕臣等斷不敢倖功妄動致生邊釁惟

有恪遵

諭旨嚴守卡倫不准通商貿易料該夷生計窮蹙必

當縛獻逆裔要犯以爲求通貿易地步奉發

御製詩臣等現已覓石選工於喀爾鐵蓋山建碑鐫

勒以垂永久再據伊薩克面稟渥蒙

大皇帝天高地厚之恩感激圖報不能言喻現已蓄

留髮辮以誌愛戴

天朝誠心向化之惻忱察其情辭實爲真切奏入

上命軍機大臣傳諭那彥成楊芳武隆阿蘇清阿曰

前據長齡等檄諭浩罕布噶爾罕送逆裔家屬特

降諭旨令那彥成到彼看其若何稟覆具奏辦理

乃浩罕於未奉檄諭之先遣人投書嘗試殊爲詭

詐那彥成等於該夷使到卡時派撥弁兵嚴密防

查不准與流寓安集延及本處回子交接亦不准

其貿易一面遵旨傳諭並未犒賞卽行撥兵送出

卡外所辦深得大體與朕意相同可嘉之至浩罕

每借通市獲利用以恐嚇附近外夷此時惟嚴守

卡倫禁絕貿易該大臣等務當遵照前旨妥爲辦

理其從逆逸犯總責令布魯特等嚴拏縛送不必

派兵出卡遠索窮搜至伊薩克現已蓄留髮辮並

伊子孫及現充伯克各回子等均願蓄留髮辮情詞真切具見愛戴之忱洵堪嘉獎其賞世職之回子等願留髮辮固屬可嘉若習俗相沿難於驟改亦聽其便所有新建各城應另錫嘉名前已有旨令那彥成將各該處舊有各目一併奏明以便頒給著俟奉到時再行覈定現在那彥成於接見阿奇木伯克阿渾時宣諭朕意撫綏開導並繕發告示譯寫回字張貼各城所辦甚好茲發去御筆畫扇一柄扇套一箇香袋四箇著交那彥成祇領以昭眷注

命建立義烈公那木札爾專祠

那彥成楊芳武隆阿蘇清阿奏言查葉爾羌舊

城南門爲前任喀什噶爾叅贊大臣慶祥之祖

義烈公那木札爾殉節之所溯查乾隆二十三

年春間平定霍集占時將軍兆惠被圍彼時那木札爾同三泰帶兵三百名由北路前往救援賊衆數萬身受重傷致爲逆酋所得釘其手足於該城南門竭忠盡節

高宗純皇帝恩封義烈公今數十年來忠誠所貫義跡如新雖屢次修城而屍跡不滅兵民回衆無不瞻仰膜拜凜然敬畏臣前任葉爾羌時曾經親見舊有義祠此次業經燒燬現已另建新城舊城烈跡不可聽其日久泯滅理宜建設專祠以慰忠靈擬卽在舊城南門就其義跡昭著之處建立專祠春秋致祭俾忠烈之氣有所憑依昭垂不朽並請

頒發

御筆扁額以垂久遠奏入

上諭內閣曰葉爾羌舊城爲前任喀什噶爾叅贊大
臣慶祥之祖義烈公那木札爾殉節之所向有義
祠此次業經燒燬現已另建新城著仍在舊城建
立專祠春秋致祭並頒發御筆扁額以垂久遠
命以舒倫保補授喀什噶爾添設換防總兵

己卯

上命軍機大臣傳諭那彥成楊芳武隆阿曰那彥成

平定回疆勦擒逆裔方略卷六十五

无

現抵喀什噶爾一切善後事宜自己商酌就緒此
時楊芳在彼如無應辦之事卽著來京陛見後回
任供職再喀什噶爾幫辦大臣蘇清阿朕意令其
來京所有幫辦大臣一缺著那彥成武隆阿於現
留回疆各員內詳加察看有才堪勝任者卽秉公
據實保奏候旨簡放以便更替蘇清阿來京並發
去御書扁額交該督等於新建那木札爾義祠懸

掛

平定回疆勦擒逆裔方略卷六十五

羊

欽定平定回疆勦擒逆裔方略卷之六十六

道光八年夏六月庚辰

護理直隸總督屠之申保奏承辦兵差出力官弁請量加鼓勵

上諭內閣曰直隸省承辦兵差前經派員設局經理並專辦文案現在軍務告竣據該護督查同請將

天津府同知顧汝壽布政司經歷倪營大各府同

知陳慶儀以應升之缺升用未免過優著不准行

顧汝壽倪營陳慶儀著與督標副將台費音保定

府知府白明義同知劉肇鑑庫大使楊炳俱交部

分別議敘前此徵調官兵來往經過各州縣著該

護督卽查明開列名單據實具奏毋許稍有冒濫

俟奏到時再降諭旨尋據屠之申將承辦往還兵

差之永平府知府王開雲東路同知辛文止臨

榆縣知縣馬錫書深州知州陳晉虛龍縣知縣

趙唐薊州知州謝宗玉田縣知縣徐桂清苑縣

知縣沈惇厚供支征兵之河間府知府徐寅第

署順德府候補知府普俊署撫寧縣知縣呂詒

安署樂亭縣知縣朱性堂署遷安縣知縣秦光

展前任豐潤縣知縣傅潢前署通州知州蔡元

禧前任磁州知州魯式如前任良鄉縣知縣黃

瀚前任三河縣知縣余溶前署安肅縣知縣藍

田前署滿城縣知縣邱澐前署邢臺縣知縣沈

蓮生前署定州知州鄭承先承辦凱旋兵差之

通永道周壽齡遵化州知州王錦雯署撫寧縣

知縣劉廷鑑署薊縣知縣張霖昌黎縣知縣張

汝敦遷安縣知縣王正極豐潤縣知縣王仲槐

三河縣知縣郭夢齡通州知州龍載恬署安肅